

BE.116. DITOMPA HO DO AU (D=1)

=====

B.E. 116 DITOMPA HO DO AU

1. Di tompa Ho do au, sondangi rohangkon;
Tung basa-basaMi sude na di au on.
Gomgomi pamatanku, naeng Ho do oloanku,
Sai lehon ma gogongku, lomoM naeng ulaonku.
Urupi tatap au tutu, Panompa na burju.

2. Tuhan Sihophop au, sai buri tondingkon.
Marhite mudarMi torusi ngolungkon.
Pinuji ma GoarMu, arga ma pangkophopMu,
Dibaen pangalahongku, nang nasa ulaonku.
O Jesus Sipalua au, tu Ho ma au patau.

3. Tu TondiMi Tuhan hulehon diringkon
Sai tong ma dirajai sandok pamatangkon
Ibana hutangihon, sai saut au ditogihon.
Tu ngolu partondion,Manahan di ujian.
O Tondi Parbadia i, sai Ho ma Rajangki.